

CYNGOR CYMUNED MANORDEILO A SALEM CYFARFOD 10^{fed} IONAWR 2018

Cynhaliwyd Cyfarfod o Gyngor Cymuned Manordeilo a Salem am 7.30pm ar y 10^{fed} Ionawr 2018 yn yr Ystafell Ddarllen, Cwmifor.

PRESENNOL

Cynghorwyr Alun Davies, Arwel Davies, Kim Davies, Gwenfil Evans, Peter Harries, Doris Jones, William Loynton, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y gadair gan y Cyng. G. Evans a chroesawodd bawb i'r cyfarfod a dymunodd Blwyddyn Newydd Dda i aelodau. Derbyniwyd ymddiheuriadau gan y Cynghorwyr Dorian Jenkins ac Andrew Thomas. Diolchwyd i'r Cyng. Alun Davies am gadeirio'r cyfarfod blaenorol.

Ymunodd Swyddog Cymunedol Swyddog yr Heddlu Roger Anthony y cyfarfod a rhoddodd ei adroddiad yn atgoffa pawb o'r angen i fod yn wiliadwrus ac i gadw eiddo dan glo gan fod yna ladrad wedi digwydd mewn cartref cyfagos yn yr ardal a hefyd cyfres o ladradau o feiciau pedair olwyn mewn ardaloedd mwy gwasgaredig. Mae'r digwyddiadau hyn dan ymchwiliad ar hyn o bryd ac mae presenoldeb yr heddlu mewn ardaloedd gwledig wedi cynyddu. Doedd yna ddim rhagor i'w drafod.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. P. Harries ac roedd pawb yn gytûn, bod cofnodion y cyfarfod diwethaf a gynhaliwyd ar y 13^{eg} Rhagfyr 2017, fel ag y maent wedi'u teipio a'u dosbarthu, yn gywir. Arwyddwyd gan y Cadeirydd.

3. DATGANIADAU O DDIDDORDEB

Ni dderbyniwyd unrhyw ddatganiadau o ddiddordeb.

4. MATERION YN CODI

4.4.4. 4.4.11iii) Mewn perthynas ag Ardal Chwarae Caledfwlch, teimlwyd efallai y byddai angen gwasanaethau llawfeddyg coed proffesiynol oherwydd maint y coed sydd angen eu tocio. Bydd y Cyng. W. Loynton yn ymchwilio i'r mater a hefyd y mater o drwsio'r postyn ffens sydd wedi torri. Cyng. W. Loynton

4.4.5vii) Bydd y cais am grant gan y 'Big Lottery Awards for All' i ariannu pedwar diffribliwr newydd yn cael ei gyflwyno'n fuan. Gofynnwyd i'r Cynghorwyr K. Davies ac Alun Davies i ofyn am gadarnhad ysgrifenedig gan 'All Small Engines' a Milfeddygon Teilo i osod y diffribliwyr ar eu heiddo. Cynghorwyr K. Davies ac A. Davies
Mae'r pedwar diffribliwr presennol wedi'u cofnodi ar Gofrestr Asedau'r Cyngor a bellach maent wedi'u hychwanegu i bolisi yswiriant y Cyngor heb unrhyw gost ychwanegol. Yn ogystal, mae'r unedau'n rhan o gynllun gofal saith mlynedd gan yr Elusen Cariad Heart. O dan y cynllun hwn, Cariad fydd yn ail osod unrhyw badiu neu fatris a ddefnyddir neu wedi iddynt gyrraedd y dyddiad terfyn gan ailosod unrhyw beiriant a gaiff ei ddifrodi neu ddwyn gan wneud pob ymdrech i ddod o hyd i'r peiriant AED.

4.4.13i) Mewn perthynas â'r posibilrwydd o ymestyn y llwybr troed ar hyd yr A40 o Ywen Fach i'r grŵp nesaf o dai ym Mhantglas Manordeilo, dywedodd y Cyng. J. Davies ei fod wedi siarad â'r Adran Briffyrdd ond does dim rhagor i adroddiad amdano ar hyn o bryd ond bydd yn holi unwaith yn rhagor. Cyng. J. Davies

10. Arwyddwyd y Model Protocol Penderfyniadau Lleol a fabwysiadwyd yng nghyfarfod 13 Rhagfyr 2017 gan y Cadeirydd a rhoddwyd copi i bob Cynghorydd i'w cadw.

13i) Bydd y Cyng. P Harries yn anfon coffâd wedi'i gwblhau at y Cyng. O. Williams i'w osod ar y wefan.

Cyng. P. Harries

13ii) Methodd y Clerc â chael ateb swyddogol gan Open Reach ynglŷn â phryd fydd Band Eang Ffibr Optig ar gael yn Salem.

5. GOHEBIAETH

- i) Cyfriflen Banc Lloyds dyddiedig 29/12/2017, Taflen Rhif 1, Gweddill o £10,529.08 Nodwyd
- ii) Cyfriflen Banc HSBC dyddiedig 15/12/2017, Taflen Rhif 329, Gweddill o £71.49. Nodwyd
- iii) Cyngor Sir Caerfyrddin (C.S.C.) parthed cau ffordd y C2154 dros dro yn Salem o ddydd Mercher 10 Ionawr 2018 am dri diwrnod. Mae hyn eisoes wedi'i anfon at Gynghorwyr ar e-bost. Nodwyd
- iv) C.S.C. parthed gweithdy cynllunio i gynghorau tref a chymuned i'w gynnal ar 18fed Ionawr ym Mharc Y Scarlets. Mynegodd y Cyng. Alun Davies ddiddordeb mewn mynychu, Clerc i gadw lle iddo. Clerc
- v) Ymgynghorwyr i C.S.C. parthed astudiaeth cludiant mewn perthynas â'r A483 yn Llandeilo. Cytunodd y Cyng. O. Williams i fynychu gweithdy ar 16 Ionawr yn Llyfrgell Caerfyrddin, Clerc i drefnu. Clerc
- vi) Un Llais Cymru parthed cyrsiau hyfforddi. Mynegodd y Cyng. O. Williams ddiddordeb mewn mynychu dau fodwl ar Gyllid Llywodraeth Leol. Cynigiwyd gan y Cyng. W. Loynton, eiliwyd gan y Cyng. D. Jones a chytunwyd yn unfrydol y dylai'r Cyng. Williams fynychu'r cyrsiau ac y byddai'r Cyngor yn talu'r costau.
- vii) Cylch Meithrin Ffairfach, cais am gymorth ariannol. Chwef
- viii) CFfl Llandeilo, cais am gymorth ariannol. Chwef

6. ADOLYGIAD O'R GYLLIDEB

Mae Cyfriflen Banc 29 Rhagfyr 2017 yn dangos gweddill o £10,529.08 sy'n cynnwys y trydydd rhandaliad o'r archebiant. Mae pob siec wedi'u cyflwyno.

7. GOLEUADAU

Adroddwyd bod nam ar y golau stryd sydd gyferbyn â Chrud Yr Awel, Salem, Clerc i adrodd amdano. Clerc

8. LLWYBRAU TROED

Dim i'w drafod.

9. CYNLLUNIO:

Dim ceisiadau newydd wedi dod i law.

Nodwyd dau apêl cynllunio:

- i) Creu Mynedfa Newydd Heb Awdurdod Glannwyth Llandeilo SA19 7AH – Cyflwynwyd apel gan yr ymgeisydd
- ii) Gwrthod Caniatâd Cynllunio ar gyfer Dau Anedd Deulawr gyferbyn â Brodawel Llandeilo SA19 7TA- Cyflwynwyd apel gan yr ymgeisydd.

10. CYTUNO I ARCHEBIANT AR GYFER 2018/19

Yn dilyn trafodaeth, cynigiwyd gan y Cyng. P. Harries, eiliwyd gan y Cyng. O. Williams a chytunwyd yn unfrydol y byddai'r gofyniad o ran archebiant ar gyfer 2018/19 yn £15,000.00. Clerc i ddychwelyd y ffurflen wedi'i llanw i G.S.C. Clerc

11. POLISI AR LEIN A CHYFRYNGAU CYMDEITHASOL

- i) Dywedodd y Cyng. O. Williams bod swyddi newydd yn aml yn cael eu rhoi ar safleoedd cyfryngau cymdeithasol y Cyngor.

12. CYFRIFON I'W TALU

- i) Ystafell Ddarllen Manordeilo, Llogi'r Neuadd, Hyd, Tach a Rhag 2017, Siec Rhif 1241 £38.50
- ii) Mrs Jane Davies, Cyflog y Clerc ar gyfer mis Ionawr 2018, Siec Rhif 1242 £410.00

CYFANSWM £448.50

13. UNRHYW FATER ARALL

- i) Gofynnwyd i'r Clerc i gysylltu â'r Swyddog Monitro mewn perthynas â chaniatâd i Gynghorwyr gael siarad yng nghyfarfod mis Chwefror pan fydd ceisiadau am gymorth ariannol dan ystyriaeth. Clerc
 - ii) Penderfynwyd bod angen rhagor o unigolion i fedru arwyddo sieciau a chytunwyd y dylid gwneud trefniadau i ychwanegu'r Cynghorwyr Alun Davies, Arwel Davies ac O. Williams. Clerc i drefnu. Clerc
 - iii) Mae cwynion wedi'u derbyn gan nifer o drigolion Salem am y graean rhydd sydd wrth ymyl ffyrdd a'r perygl i gerddwyr wrth i geir yrru heibio. Hefyd, mae angen glanhau'r cwteri wrth y gyffordd â'r Capel yn Salem.
 - iv) Adroddwyd hefyd am gyflwr wyneb y ffordd sy'n arbennig o wael o Gapel Isaac i Heol Penybanc.
 - v) Yn yr un modd mae'r tyllau sydd ar y ffordd ym Manordeilo rhwng yr A40 i lawr tuag at Dŷ'r orsaf yn Glanrhyd yn wael. Cyng. J. Davies a'r Clerc i gysylltu ag Adran Briffyrdd C.S.C. mewn perthynas â iii), iv) a v).
- Cyng. J. Davies/Clerc

Gan nad oedd rhagor o fusnes i'w drafod, diolchodd y Cadeirydd i aelodau am fynychu a daeth y cyfarfod i ben am 8.50pm.

..... 14 Chwefror 2018
CADEIRYDD